

"Bog haosa" će za deset godina proletjeti tik pored Zemlje



Posljednji naučni proračuni pokazuju da će ogromni asteroid nazvan "Bog haosa" /99942 Apofis/ proći pored Zemlje za deset godina 2029, ali veoma blizu – na udaljenosti manjoj od nekih meteoroloških i komunikacionih satelita.

Potencijalni udar ovog asteroida, širokog 340 metara, mogao bi imati "devastirajuće posljedice za život na Zemlji", upozorava naučna javnost.

Kako prenosi britanski portal Exspress, brzina kojom će "Bog haosa" proletjeti pored Zemlje iznosiće 40.000 kilometara na sat, a asteroid će biti vidljiv sa Zemlje.

Naučnici su svjesni da bi se njegova putanja, dok dođe do naše planete, mogla promijeniti.

Problem je, navode stručnjaci, što trenutno nema nikakve odbrane od velikih asteroida.

Šef Space X i Tesle Elon Musk na Twitteru je podijelio članak o "Bogu haosa" i naveo da je svjestan da će jednom "veliki kamen" udariti u Zemlju.

O opasnostima iz svemira često je govorio u naučnik iz Nasa Joseph Nutt. On je upozorio da bi veliki objekat iz svemira, poput asteroida kakav je udario u Zemlju i uništio dinosauruse prije 66 miliona godina, ponovo mogao udariti u planetu.

Problem je u tome što, ako bi naučnici i spazili objekat koji je na putu prema Zemlji, ne postoji konkretan način na koji bi planeta mogla da se zaštiti od udara i spriječi potencijalno uništenje ljudske vrste.

Neki naučnici predlažu da Nasa napravi letjelicu za presretanje svemirskih objekata.

Date: 20-08-2019